



Nuuk 14. januar 2008

Inatsisartut Suleriaasianni § 36, imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq: **Nunatsinni inoqarfinni GrønlandsBankenip immikkoortorta qarfiginngisaani KNI A/S-ip sullissinera innuttaasunut taamak akisutigisumik ingerlanneqarnissaa Namminersornerullutik Oqartussat KNI A/S-illu isumaqatigiissutaat sunik tunngaveqartinneqarpa? Aamma: Pissutsit allangortinniarlugit Naalakkersuisut qanoq iliuuseqalersaarpat?**

(Otto Jeremiassen, Inatsisartuni ilaasorta, Siumut)

**Tunngavilersuut:**

Tamanit malugineqarsinnaasutut inuuniarnitsinni aningaasatigut atugassarititaasut – soorlu ineqarnermut, innaallagissamut, nerisassanut il.il. akitsornerisigut ajorsiatorneranni aamma aningaaserivikkut sullinneqarnermi akit malunnaatilmik alleriarput. Namminersornerullutik Oqartussat KNI A/S-illu aningaaserivikkut sullissinissamik isumaqatigiissutaanni assersuutigalugu Akiliut imaluunniit Dankort atorlugu aningaasanik ataasiarluni tigusinermi kontomulluunniit ikisinermi maannakut 10 koruuninut qaffanneqarpoq. Tusaannarlugu 10 koruunit angigisassaangitsutut isikkoqarluartoq ukiumut ataasiakkaarluta tigusillartaarnivut eqqarsaatigalugit ukiumut sullinneqarnermut akiliutivut aningaasarpassuannorsinnaapput, tamatumalu saniatigut makku ilanngullugit aalajangersaaffigineqarsimapput: Kontop qanoq imaqarneranik apeqquteqarneq: 15,-kr., inuup allap kontoanuk nuussineq: 25,-kr., Girokorti atorlugu akiliineq: 23,-kr., korti nassarnagu tigusineq: 50,-kr., inuutissarsiornermi kontomut ikisineq: 10,-kr. kiisalu kontop allattorsimaffianik anisitsineq: 25,-kr. paasiuminaapporlu GrønlandsBankenip sullissinermi taamak sinneqartoortartigaluni sooq innuttaasunit sullitaminit taamak akilersuititsiniarnera.

Tamakku tunngavigalugit makku apeqqutiginiarpakka:

Siullertut: Namminersornerullutik Oqartussat KNI A/S-illu taamatut aalajangerneranni kikkut peqa-taappat?

Aappattut: Illoqarfiit nunaqarfiillu sorliit taamatut atugassaqtartittaappat?

Pingajuattut: Inuit nammiinneq aningaasaatiminnit paarsisorititaminnit sooq taamarujussuaq akitsuusersorfigineqassappat?

Sisammattut: Pissutsit allangortinniarlugit Naalakkersuisut qanoq iliuuseqalersaarpat?